



**Quæstionum Canonicarum, In Quinque Libros
Decretalium, Tomus ...**

In Librum II. Decretalium, Per Triginta Titulos Distributum, In Quo Agitur
De Judiciis, Foro Competenti, Libelli Oblatione, Mutuis petitionibus, ...

Krimer, Ferdinand

Augustæ Vindelicorum, 1708

Articulus II. De nonnullis probationum Speciebus.

[urn:nbn:de:hbz:466:1-73001](#)

ARTICULUS II.

De nonnullis probationum Speciebus.

144. **Q**uestio. 1. est, an, & qualiter plena probationis vim habeat inspectio ocularis? quæ contingit, quando Judex ad rem controversam, vel per se ipsum, vel per Commissarios, aut alias personas idoneas deputat inspiciendam. Hanc probationem esse omnium firmissimam, dicitur L. *Si irruptione*, 8. §. ad officium, ff. fin. regund. L. 7. §. 1. ff. de administrat. Tut. Gail. l. 1. observ. 29. n. 9. & prævalet cuicunque probationi; cum sit superlativa omnium per Baldum in L. *contra negantem*, C. de probat. in fin. eique locus est in omnibus causis, quæ aliter non possunt probari, vel saltem non ita facile. Talis causa est. 1. in quaestione de novi operis nuntiatione. 2. si moveatur quaestio de impendente mihi damno ex ruinosis vicini mei ædibus, & petatur cautio damni infecti, hoc est refaciendi mihi damni, si neget alter periculum damni ex illis; 3. quando quaestio est circa terminos, vel limites agrorum, jurisdictionis, &c. L. *de modo*, ff. finium regundorum; 4. quando agitur quaestio de lethali vulnerè alteri inflito; tunc enim, ut de veritate constet, per Medicos, & Chirurgos tempestivè curanda est ocularis inspectio, an tale fuerit in principio? an vero factum sit ex alio capite v.g. incuria chirurgi, &c. V. Gail. l. 2. observat. III. 5. in quaestione matrimoni de impotentia; si enim aliter constare non potest, in Viro sit inspectio per Medicos; in scemina per obstetrices, c. 4. & penult. h. t. c. *Fraternitatis*, de frigidis, & malefis.

Tom. II.

Cum autem quilibet vocari debeat, quando agitur de actu in ejus præjudicium, regulariter hæc probatio fieri debet citatâ utraquè parte, nisi Judex clam ad suam tantum informationem suscipere voluerit; 2. quando hæc inspectio fieri debet, ab alterutro litigantium testes adducendi sunt, qui rem præsentem melius explicent, & sic Judicem informent: 3. quando inspectio fit per ejusmodi artis peritos, nisi alias sint jurati in ea arte, eis deferendum est juramentum, quod in neutrius partis favorem loqui, sed prout rem in conscientia receperint, aperire velint; id, quod etiam in decursu magis declarabitur.

Quæstio est. 2. an duæ, vel plures 144. semiplenæ probationes faciant plenam? Resp. in causis civilibus saltem non audiunt (ut notat Zoësius in l. 22. ff. 11. 3. num. 10.) ex duabus probationibus semiplenis, tendentibus ad eundem finem, fieri plenam probationem, sive sint eisdem generis, ut duo testes; sive diversi, unus testis cum fama publica, vel juramento; quia quæ non probant singula, collecta juvant; gloss. fin. in c. cum causam, 13. h. t. Batbosa ibid. Malaardus de probat. conclus. 343. a numer. 2. Battolus in L. *Admonendi*, 31. ff. de jurejurand. numer. 48. & colligitur ex L. 5. C. de Probationibus, ibi: instrumenta domestica, seu privata testatio, seu adnotatio, si non aliis quoque admittit adjuventur, ad probationem solam non sufficiunt: ergo per oppositum sufficiunt, si aliis admissibilis adjuventur. Deinde ex L. 6. C. eod. ibi: rationes defunctori, quæ in bonis ejus inveniuntur, ad probationem sibi debitæ quantitatis solas sufficere non posse, sape rescriptum est. Eiusdem juris est, et si in ultima voluntate defunctus certam pecuniae quantitatem, aut etiam

Z z

ctiam res certas sibi deberi significaverit. *Dixi: in civilibus.* Nam in criminibus hoc non procedit, quia requirunt probationem plenissimam; Abbas in c. *Venientia, de testib. num. 8.* nisi agatur solū ad inquirendum; 2. vel torquendū; 3. nisi concūriant alia indicia seu conjecturæ; 4. nisi quæstio sit difficultis probationis; sic Mynsingerus, centuriā 5. obser. 33. Sed has limitationes accipe secundūm ea, quæ tradimus L. 5. de Inquisitionibus, an. 97.

¶ 446. Quæstio est 3. an, & qualiter famam habeat legitimam probationis? ante *refusat.* nos. per famam h̄ic significari alicuius rei (vel personæ seu potius, de persona) publicam, & communem in aliqua regione assertionem, ex sola suspicione proventientem, consequenter hic non accipi, ut opponitur infamia, sed protinus explicat famam *inter homines*; & dicitur assertio, consistens scilicet in voce, vel Scriptis; dicitur publica; nam privata assertio non constituit famam; dicitur *in ea regione*, hoc est vicinia alicujus loci populosi; dicitur *proveniens ex suspicione*, quia fama falli, & fallere potest: dicitur assertio *communis*, quo differt *à rumore*, qui est assertio *paucorum* in vicinia. Ea porrò duntaxat fama h̄ic in consideratione est, quæ habet originem à personis fide dignis, & gravibus; de quorum commodo non agitur, ut colligitur ex c. 24. de accusat. ad quam requiritur, quod sit *majoris partis de populo illius vicinia*; nam fama, quæ dicitur *fama inter homines*, exigit hoc, de quo inter homines esse dicitur, asserti à *majori parte populi*, juxta regulam 160. ff. de reg. juris, ibi: *refertur ad universos, quod publicè sit per maiorem partem.*

¶ 447. Not. autem ab eo, qui pro se allegat famam, hanc probari debere; probatur autem sufficienter per duos testes, L. de more, §. plurimum. ff. de questionibus.

Nam licet fama non inducatur, nisi per plures; esse tamen inductam, satis probatur per duos. Ut autem testis recte probet famam, requiritur, quod dicat, *se fuisse, illam esse*, addendo scilicet causam sciendi, v. g. quia ipsemet à majori parte illius populi, de quo atticulus loquitur, vel de quo interrogatur, audiret dici, quod hoc, vel illud factum sit; quia testis debet allegare causam suæ scientiæ, quæ sub aliquem sensum cadit; excipere, nisi depontant de factis antiquis, quæ hominum aetatem, & memoriam excedunt. Nam tunc sufficit, quod testes sint omni exceptione maiores, & afferant, se hoc, quod testantur, à suis majoribus intellexisse; non requiritur tamen in hoc casu, ut testis omni exceptione major, deponens, se audiuisse dictum à majori parte populi, ex eo aliquos nominet; nam testis omni exceptione major, allegans maiorem partem populi, presumitur, non allegare dictum malevolorum, & improvidè loquentium, quod solūm cavere vult c. 24. de accusat. exigens originem famæ à Viris honestis, & providis.

Cum autem probatio famæ ordinetur 1448. ulterius ad judicandum de illa te, de qua probata est fama; quæstio est, an fama, per testes probata, probet? negativè dicendum est, quando habet originem ex vilibus personis, vel ex inimicis, vel ab eo, in cuius commodum cedit; constat ex c. 24. de accusat. Si autem non constet de personis, à quibus originem habet, recurrentur est ad quasdam probabiles conjecturas, & præsumptiones. Ceterum, in quæstione, quando fama probata probet plenè, vel tantum semiplenè, aut etiam minus? Resp. dicendum, per famam fieri plenam probationem in civilibus, quando est de re, in qua plurimum operatur, & disponit opinio, & consuetudo loci, v. g. quando queritur, quid per talem vocem (e. g. per *instrumenta legata*) intelligi debeat, vel in qua significatione accipienda sit? & fama

fama talis loci testetur; eam vocem ex usu talis loci; hoc significare; fama plenè probat; ut dicitur L. i. 8. ff. de fundo instructo, & instrumento legato; ubi Q. 3. ad quæstionem (*quid per instrumenta legata testator intellexerit?*) responsum est: *optimum ergo esse Pediūs ait; non propriam verborum significatione scrutari; sed imprimis; quid testator demonstrare vulerit?* Deinde, in qua presumptione sunt, qui in quaquer regione morantur. Similiter in questione (*quomodo flumen discernendum sit à rivo?*) dicitur L. i. §. 1. de fluminibus: discernendum à magnitudine, aut estimatione circumvolentium.

1449. Dicendum 2. per famam probatam, fieri plenam probationem in iis casibus, in quibus utilitas publica suadet, ut communis opinio prævaleat veritati, v. g. Barbatius communione opinione habetur pro vero Prætore, cum in re non esset, propter inhabilitatem conditionis servilis; hinc cum dubitaretur, an ejus acta valerent? & non obstante illa conditione jurisdictionem habuisse censendus sit, collatam ab his, à quibus Prætor constitutus sit? responsum est affirmative, propter famam, quā credebatur habuisse jurisdictionem collatam; ut dicitur in L. Barbarus, 3. ff. de officio Prætorum.

Dicendum 3. ex fama plenè probari in casu, quo res est difficilis probationis directæ per alia media: *aliquem esse legitimum filium*, est casus difficilis probationis directæ, uno conjugum discordante; L. Lucius, ff. de condit. & demonstrat. hinc plenè probatum manet, saltem præsumi legitimum, si hoc testetur fama legitimè probata. Cœterum extra hos casus, regulariter præstat in civilibus probationem solùm semiplenam, arg. L. 3. §. ejusdem quoque, ff. de testib. ubi dicitur, quod fama consentiens rei gestæ fidem nonnunquam confirmet, quæ verba ad summum

significant probationem semiplenam; quia diversa sunt: *fidem facere*, & *fidem confirmare*: in criminalibus autem, ubi agitur ad pœnam gravem, nec semiplenam probationem facit fama etiam per testes probata; nec sufficiens indicium facit ad torturam; sed solùm ad inquirendum; per c. qualiter & quando, de accusat.

De jure autem canoico ad dissolvenda sponsalia de futuro, & impediendum matrimonium contrahendum, sufficit fama probata de impedimento dirimente inter sponsos; c. 2. de consangu & affinit. & mortem conjugis; diu abiētis; in casu periculi, v. g. belli, hafragii; sufficienter probat fama per testes probata, ut superstes dicatur habere certum nuntium de alterius obitu, & licet translat ad secunda vota; gloss. in c. quoniam, Q. Si autem ut lite non contest, sic P. Ludovicus Engel. de probat. à num. 21. Similiter fines Diæcesium probantur per famam publicam, v. cum causam, i. 3. h. t. & maximè antiquam; Barbosa ibid. n. 11. ubi subiungit, quod fama in antiquis plenè probet.

Quæstio est. 4. qualiter probari possit negatio litigantis, ut cum Reus convenitus ab Actore super solutione debiti ex contractu Lincii celebrato certo die, negat debitum ex tali contractu tali die celebrato; & contingat adesse præsumptionem juris contra Reum. Tali enim casu intentionem suam negativam, seu negationem probare incumberet Reo. De hac quæstione dicitur in c. Quoniam, 11. h. t. quoniam contra falsam assertionem iniqui Judicis innocens litigator quandoque non potest veram negationem probare, cum negantis factum per rerum naturam nulla sit directa probatio: pro cuius intelligentia, not. per veram negationem intelligi solùm eam, quæ in se vera est, & veritatem continet ad differentiam illius, quæ

quæ falsa est, & falsitatem includit, qui sensus colligitur aperte ex litera tam ex verbis præcedentibus, dum agit de falsa assertione iniqui Judicis; qui opponit hanc veram negationem innocentis litigatoris, quam ex sequentibus, ibi: *falsitas veritati*, & ibi: *iniquitas aequitati*, & ita sensus est; quoniam contra falsam iniqui Judicis assertiōnē quandoque non potest innocens litigator probare negationem veram, id est, quæ à parte rei veritatem, non vero falso, aut mendaciū continet.

1451. Not. 2. propositionem negativam (quā nimirum aliquid negatur) aliam esse *merē negativam*, quæ scilicet nec virtualiter in se continet affirmantem: v. g. qua Reus negat assertiōnē Judicis dicentis, *Reum in Judicio tale debitum, vel delictum confessum esse*; aliam *non merē negativam*, quæ scilicet in se saltem virtualiter continet aliam affirmantem, ut cùm quis negat *se sponte consenseret*; hæc virtualiter affirmare videtur, *consenseret coacte*; quo posito: ad quæst. initio propositam Resp. merē negativum *directe probari* non posse; secus interdum *indirecte*; prima pars constat ex cit. r. *quoniam*, ibi: *cum directa probatio negantis factum, nulla sit*. Secunda pars ex eo, quia sæpe probari potest factum aliquod, quo stante necessariò inducitur veritas negationis; si enim nego, *me Calendis Junii anno 1701. Lincii subscripsi*, & directe problem ne Calendis Junii eo atmo fuisse Romæ, *indirecte ostendo falso esse*, subscriptionem à me factam esse eo die, anno, & loco, consequenter veram esse meam negationem.

1452. Dices: *L. 2. 3. C. de probat.* dicitur: *Actor, quod asseverat, probare se non posse profundo, reum necessitate monstrandi contrarium non astringit; cum per rerum naturam factum negantis probatio nulla sit*. Deinde *L. 10. C. de non numerat. pecunia habetur: cum inter eum, qui factum asseverans onus subiit probationis, & negantem numerationem, cuius naturali ratione probatio nulla est &c.* Et hoc conformiter legi: *2. ff. de Probat.* ubi regula talis ponitur: *ei incumbit probatio, qui dicit: non, qui negat: ergo negationes probari non possunt.* Resp. solum sequi, non posse probari *directe*; secus, *indirecte*; & hoc modo cum prioribus textibus, qui negant;

1453
redē conciliari videntur, alii affirmantes, posse probari, cuiusmodi est *L. 14. C. de contrahend. stipular.* *L. 5. ff. de Probat. &c.*

Quoad divisionem probationis in *judiciale* & *extrajudiciale*, solum obser-
vantum est, quod probatio extrajudicialis procedat. 1. quando est periculum, ne te-
stes moriantur; vel diutius absfuti sunt; quia tunc eorum arrestationes recipi pos-
sunt ante litis contestationem, ne copia
probationis casu fortuito subtrahatur, vel
pereat, c. fin. ut lite non contestata, ibi: *quo-*
niam frequenter in dubium revocatur a
miltis, an lite non contestata testes recipi
valeant? auctoritate presentium duximus
declarandum regulariter verum esse, quod
lite non contestata, non est ad receptionem
testium procedendum. Nisi forte de morte
testium timeatur, vel *absentia diurna*: in
quibus casibus, cum civiliter est agendum
(ne veritas occultetur, & probationis copia
fortuitis casibus subtrahatur) senes; & va-
letudinarii, & alii testes (de quibus ex ali-
qua rationabili causa timetur) etiam lite
non contestata sunt *procul dubio admittendi*, seu pars conventa sit contumax, seu sit
absens absque malitia; ut conveniri non
possit. Sed si Actor non convenerit Adver-
sariorum intra annum, ex quo conveniri non
poterit, vel saltem receptionem hujusmodi
testium non denuntiaverit illi, attestatio-
nes sic receptæ non valeant; ne forte hoc
procuret in fraudem, ut processu temporis
exceptiones legitimæ ad repellendum te-
stes, vel alia locum habere non possint. Se-
cundo si est periculum, ne testes interim
obliviscantur rei gestæ, dohec litis conte-
statio fieri possit, quia tunc testes recipere
licet, in perpetuam rei memoriam; glossa in
dit. c. fin. *V. subtrahatur.* Plures causæ, in
quibus locum habet probatio extrajudiciale-
lis per testes, *V. supr. tit. 6.* ut lite non con-
testata.

ARTICULUS III.

Cuiam incumbat onus probandi?

IN hac te traduntur duæ regulæ: prima
est, quod quisque probare tenetur
fundamentum suæ intentiōnis, sive sit
affirmativum, sive negativum, in alterius
partis præjudicium, si non habeat prole
præsumptionem. Et ideo Actor debet
pro-